

Қазақстан Республикасы Үкіметінің 2001 жылғы 31 шілдедегі N 1015 қаулысына өзгерістер мен толықтырулар енгізу туралы

Күшін жойған

Қазақстан Республикасы Үкіметінің 2002 жылғы 9 тамыздағы N 889 Қаулысы. Күші жойылды - Қазақстан Республикасы Үкіметінің 2010 жылғы 25 желтоқсандағы № 1412 Қаулысымен

Ескерту. Күші жойылды - ҚР Үкіметінің 2010.12.25 № 1412 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

Қазақстан Республикасының Үкіметі қаулы етеді:

1. "Қазақстан Республикасында Жер қойнауын пайдалану жөніндегі операцияларды жүргізуге арналған модельдік келісім-шартты бекіту туралы" Қазақстан Республикасы Үкіметінің 2001 жылғы 31 шілдедегі N 1015 P011015_ қаулысына (Қазақстан Республикасының ПҮКЖ-ы, N 28, 356-құжат) мынадай өзгерістер мен толықтырулар енгізілсін:

көрсетілген қаулымен бекітілген Қазақстан Республикасында Жер қойнауын пайдалану жөніндегі операцияларды жүргізуге арналған модельдік келісім-шартта:

1) 1 - бөлімде:

20-тармақ мынадай редакцияда жазылсын:

"20. Салық заңнамасы - Салық кодексі және қабылдануы Салық кодексінде көзделген басқа да нормативтік құқықтық кесімдер.";

мынадай мазмұндағы 20-1-тармақпен толықтырылсын:

"20-1. Салық кодексі - Келісім-шартқа қол қою (жасасу) күніне қолданыстағы Салық және бюджетке төленетін басқа да міндетті төлемдер туралы" Қазақстан Республикасының 2001 жылғы 12 маусымдағы Кодексі (Салық кодексі).";

2) 16-бөлім мынадай редакцияда жазылсын:

"16-бөлім. Салық салу

16.1. Мердігер Келісім-шарт негізінде жүзеге асыратын қызметі бойынша Қазақстан Республикасының заңнамасына, соның ішінде, егер Қазақстан Республикасы бекіткен халықаралық Шартта өзгеше ереже белгіленбеген болса, Салық кодексіне сәйкес салықтар мен бюджетке төленетін басқа да міндетті төлемдерді төлеуге міндеттенеді. Өнімдерді бөлу туралы келісім-шарттарда салық салу ережелері Салық заңнамасына сәйкес белгіленеді. 16.2. Мердігер мынадай салықтар мен бюджетке төленетін басқа да міндетті төлемдерді төлейді:

16.2.1. Корпорациялық табыс салығы Мердігер корпорациялық табыс салығын Салық кодексінің 4 және 7-бөлімдеріне сәйкес төлейді. 16.2.2. Қосылған құн салығы Мердігер қосылған құн салығын Салық кодексінің 8-бөліміне сәйкес төлейді. 16.2.3. Акциздер Мердігер акциздерді Салық кодексінің 9-бөліміне сәйкес төлейді. 16.2.4. Жер қойнауын пайдаланушылардың арнаулы төлемдері және үстеме пайда салығы

Мердігер жер қойнауын пайдаланушылардың арнаулы төлемдері мен үстеме пайда салығын Салық кодексінің 10-бөліміне сәйкес төлейді.

16.2.4.1. Қол қойылатын бонус

16.2.4.1.1. Мердігер _____ мөлшердегі қол қойылатын бонусты Келісім-шарт күшіне енген күнінен бастап күнтізбелік 30 (отыз) күннен кешіктірмей төлейді.

16.2.4.2. Коммерциялық табу бонусы

Мердігер коммерциялық табу бонусын Салық кодексіне сәйкес Келісім-шартта белгіленген ставка бойынша төлейді.

16.2.4.3. Роялти

Мердігер роялтиді Қазақстан Республикасының аумағында өндірілетін пайдалы қазбалардың әр түрі бойынша, оны сатып алушыларға өткізілгеніне (тиеп жөнелтілгеніне) немесе өз қажетіне пайдаланылғанына қарамастан, Салық кодексі 300-бабының 3-тармағымен көзделген жағдайларды қоспағанда, жеке төлейді. 16.2.4.3.1. Мердігер роялти төлеуді _____ ставка бойынша жүргізеді. 16.2.4.3.2. Роялтиді ақшалай төлеу нысаны Қазақстан республикасы Үкіметінің шешімімен Құзыретті органмен қосымша келісімде белгіленген тәртіпте заттай нысанмен ауыстырылуы мүмкін. 16.2.4.3.3. Кең таралған пайдалы қазбалар мен жерасты суларын өндірген жағдайда Мердігер роялтиді міндеттемелер пайда болған кезде қолданыстағы Салық кодексіне сәйкес төлейді. 16.2.4.4. Үстеме пайда салығы 16.2.4.4.1. Мердігер үстеме пайдаға салынатын салықты есептеуді салық кезеңінің аяғында қол жеткен пайданың ішкі нормасы деңгейін негізге ала отырып, мынадай ставкалар бойынша жүргізеді: _____

_____ Пайданың ішкі нормасы (ПН), % Есепті жылдағы таза кіріске %-бен алғанда үстеме пайда салығының ставкасы _____

_____ 20-дан кем немесе оған тең 0 20-дан артық, бірақ 22-ден кем 4 немесе оған тең 22-ден артық, бірақ 24-тен кем 8 немесе оған тең 24-тен артық, бірақ 26-дан кем 12 немесе оған тең 26-дан артық, бірақ 28-ден кем 18 немесе оған тең 28-ден артық, бірақ 30-дан кем 24 немесе оған тең 30-дан артық 30 _____

_____ 16.2.4.4.2. Пайданың ішкі нормасы Пайданың ішкі нормасы Келісім-шартқа қол қою (жасасу) күніне қолданыстағы Салық заңнамасына сәйкес есептеледі.

16.2.5.

Әлеуметтік

салық

Мердігер әлеуметтік салықты салық міндеттемелері пайда болған кезде қолданыстағы Салық кодексінің 11-бөліміне сәйкес төлейді.

16.2.6. Жер салығы

Мердігер жер салығын салық міндеттемелері пайда болған кезде қолданыстағы Салық кодексінің 12-бөліміне сәйкес төлейді.

16.2.7. Көлік құралдары салығы

Мердігер көлік құралдары салығын салық міндеттемелері пайда болған кезде қолданыстағы Салық кодексінің K010209_ 13-бөліміне сәйкес төлейді.

16.2.8. Мүлік салығы

Мердігер Мүлік салығын салық міндеттемелері пайда болған кезде қолданыстағы Салық кодексінің 14-бөліміне сәйкес төлейді.

16.2.9. Заңды тұлғаларды мемлекеттік тіркегені үшін алым

Мердігер заңды тұлғаларды мемлекеттік тіркегені үшін алымды салық міндеттемелері пайда болған кезде қолданыстағы Салық кодексінің 68-тарауына сәйкес төлейді.

16.2.10. Жылжымайтын мүлікке және онымен жасалатын мәмілелерге құқықтарды мемлекеттік тіркегені үшін алым

Мердігер жылжымайтын мүлікке және онымен жасалатын мәмілелерге құқықтарды мемлекеттік тіркегені үшін алымды салық міндеттемелері пайда болған кезде қолданыстағы Салық кодексінің 70-тарауына сәйкес төлейді.

16.2.11. Радиоэлектрондық құралдарды және жоғары жиіліктегі құрылғыларды мемлекеттік тіркегені үшін алым

Мердігер радиоэлектрондық құралдарды және жоғары жиіліктегі құрылғыларды мемлекеттік тіркегені үшін алымды салық міндеттемелері пайда болған кезде қолданыстағы Салық кодексінің 71-тарауына сәйкес төлейді.

16.2.12. Механикалық көлік құралдары мен тіркемелерді мемлекеттік тіркегені үшін алым

Мердігер механикалық көлік құралдары мен тіркемелерді мемлекеттік тіркегені үшін алымды салық міндеттемелері пайда болған кезде қолданыстағы Салық кодексінің 72-тарауына сәйкес төлейді.

16.2.13. Теңіз, өзен кемелері мен шағын көлемді кемелерді мемлекеттік тіркегені үшін алым

Мердігер теңіз, өзен кемелері мен шағын көлемді кемелерді мемлекеттік тіркегені үшін алымды салық міндеттемелері пайда болған кезде қолданыстағы Салық кодексінің 73-тарауына сәйкес төлейді.

16.2.14. Азаматтық әуе кемелерін мемлекеттік тіркегені үшін алым

Мердігер азаматтық әуе кемелерін мемлекеттік тіркегені үшін алымды салық міндеттемелері пайда болған кезде қолданыстағы Салық кодексінің 74-тарауына сәйкес төлейді.

16.2.15. Автокөлік құралдарының Қазақстан Республикасының аумағы бойынша жүргені үшін алым

Мердігер автокөлік құралдарының Қазақстан Республикасының аумағы бойынша жүргені үшін алымды салық міндеттемелері пайда болған кезде қолданыстағы Салық кодексінің 76-тарауына сәйкес төлейді.

16.2.16. Аукциондардан алынатын алым

Мердігер аукциондардан алынатын алымды салық міндеттемелері пайда болған кезде қолданыстағы Салық кодексінің 77-тарауына сәйкес төлейді.

16.2.17. Елтаңбалық алым

Мердігер елтаңбалық алымды салық міндеттемелері пайда болған кезде қолданыстағы Салық кодексінің 78-тарауына сәйкес төлейді.

16.2.18. Жекелеген қызмет түрлерімен айналысу құқығы үшін лицензиялық алым

Мердігер жекелеген қызмет түрлерімен айналысу құқығы үшін лицензиялық алымды салық міндеттемелері пайда болған кезде қолданыстағы Салық кодексінің 79-тарауына сәйкес төлейді. 16.2.19. Жер учаскелерін пайдаланғаны үшін төлемақы Мердігер жер учаскелерін пайдаланғаны үшін төлемақыны салық міндеттемелері пайда болған кезде қолданыстағы Салық кодексінің 81-тарауына сәйкес төлейді. 16.2.20. Жер үсті көздерінің су ресурстарын пайдаланғаны үшін төлемақы Мердігер жер үсті көздерінің су ресурстарын пайдаланғаны үшін төлемақыны салық міндеттемелері пайда болған кезде қолданыстағы Салық кодексінің 82-тарауына сәйкес төлейді. 16.2.21. Қоршаған ортаны ластағаны үшін төлемақы Мердігер қоршаған ортаны ластағаны үшін төлемақыны салық міндеттемелері пайда болған кезде қолданыстағы Салық кодексінің 83-тарауына сәйкес төлейді. 16.2.22. Жануарлар дүниесін пайдаланғаны үшін төлемақы Мердігер жануарлар дүниесін пайдаланғаны үшін төлемақыны салық міндеттемелері пайда болған кезде қолданыстағы Салық кодексінің 84-тарауына сәйкес төлейді. 16.2.23. Орманды пайдаланғаны үшін төлемақы Мердігер орманды пайдаланғаны үшін төлемақыны салық міндеттемелері пайда болған кезде қолданыстағы Салық кодексінің 85-тарауына сәйкес төлейді. 16.2.24. Ерекше қорғалатын табиғи аумақтарды пайдаланғаны үшін төлем ақы Мердігер ерекше қорғалатын табиғи аумақтарды пайдаланғаны үшін төлемақыны салық міндеттемелері пайда болған кезде қолданыстағы Салық кодексінің 86-тарауына сәйкес төлейді. 16.2.25. Радиожиілік спектрін пайдаланғаны үшін төлемақы Мердігер радиожиілік спектрін пайдаланғаны үшін төлемақыны салық міндеттемелері пайда болған кезде қолданыстағы Салық кодексінің 87-тарауына сәйкес төлейді. 16.2.26. Кеме жүзетін су жолдарын пайдаланғаны үшін төлем ақы Мердігер кеме жүзетін су жолдарын пайдаланғаны үшін төлемақыны салық міндеттемелері пайда болған кезде қолданыстағы Салық кодексінің 88-тарауына

сәйкес төлейді. 16.2.27. Сыртқы (көрнекі) жарнамалар орналастырғаны үшін
т ө л е м а қ ы

Мердігер сыртқы (көрнекі) жарнамалар орналастырғаны үшін төлемақыны салық міндеттемелері пайда болған кезде қолданыстағы Салық кодексінің 89-тарауына сәйкес төлейді.

16.2.28. Мемлекеттік баж

Мердігер мемлекеттік бажды салық міндеттемелері пайда болған кезде қолданыстағы Салық кодексінің 90-тарауына сәйкес төлейді.

16.2.29. Кеден төлемдері

Мердігер кеден төлемдерін "Қазақстан Республикасындағы кеден ісі туралы" Қазақстан Республикасының 1995 жылғы 20 шілдедегі К952368_ Заңына және оның кейінгі өзгерістері мен толықтыруларына сәйкес төлейді.

16.3. Қызметкерлерге салық салу

Салықтар мен бюджетке төленетін басқа да міндетті төлемдерді Мердігердің қызметкерлері салықтар мен бюджетке төленетін басқа да міндетті төлемдерді төлеу бойынша міндеттемелер пайда болған кезде қолданыстағы Салық заңнамасына сәйкес төлейді.

16.4. Қосалқы мердігерлерге салық салу

16.4.1. Мердігерге қызметтер (жұмыстар) жасайтын қосалқы мердігерлер мен олардың қызметкерлеріне салық салу салық және бюджетке төленетін басқа да міндетті төлемдерді төлеу бойынша міндеттемелер пайда болған кезде қолданыстағы Салық заңнамасына сәйкес жүргізіледі.

16.4.2. Мердігердің төлем көздерінен салық ұстау жөніндегі міндеттемелерін қоспағанда, Мердігер өзінің қосалқы мердігерлерінің салықтық міндеттемелері үшін жауапты болмайды.

16.5. Трансферттік баға тағайындау

16.5.1. Салық қызметі органдары мен кеден органдары мәмілелер бойынша бағалардың дұрыс қолданылуына Қазақстан Республикасының трансферттік бағалардың қолданылуын мемлекеттік бақылау мәселелерін реттейтін заңнамалық кесімінде көзделген тәртіппен және жағдайларда бақылау жасайды.

16.5.2. Мәміле бағасының нарықтық бағадан ауытқу фактісі анықталған жағдайда салық органдары Қазақстан Республикасының заңнамасына сәйкес айыппұлдар мен өсімпұлдарды қолдана отырып, салық салу объектілері мен салық міндеттемелеріне түзету енгізеді.

16.6. Жалпы салықтық жауапкершілік

Келісім-шарт ережелері бойынша төленетін салықтар мен бюджетке төленетін басқа да міндетті төлемдер Мердігерді Келісім-шарт ережелерінде көзделмеген қызметті жүзеге асырғаны үшін салық міндеттемелері пайда болған күнге заңнамалық кесімдермен белгіленген салықтар мен бюджетке төленетін

басқа да міндетті төлемдерді төлеу міндеттемелерінен босатпайды.

16.7. Салық шекарасы

Мердігер салық режиміне сәйкес Келісім-шартпен көзделген салық міндеттемелерін есептеу үшін жеке есепті және осы Келісім-шарт шегінен тыс қызмет бойынша салық міндеттемелерін есептеуді жүргізуге міндетті.

Бұл ереже кең тараған пайдалы қазбаларды және (немесе) жерасты суларын өндіру жөніндегі Келісім-шарттарға қолданылмайды.

16.8. Салықтар мен төлемдерді төлеу және аудару

16.8.1. Салық және бюджетке төленетін басқа да міндетті төлемдер бойынша салық міндеттемесі Қазақстан Республикасының заңнамалық кесімдерімен және Келісім-шарт ережелерімен заттай нысанда төлеу немесе шетелдік валютамен төлеу көзделген жағдайларды қоспағанда, теңгемен орындалады.

16.9. Салық заңнамасын бұзғаны үшін жауапкершілік

Салық заңнамасын бұзғаны үшін жауаптылық тиісті заңнамалық кесімдермен р е т т е л е д і .

16.10. Өсімпұлдарды төлеу

Уақыты өткен салық міндеттемелері сомасына өсімпұлдарды есептеу осы соманы төлеу күніне қолданыстағы Салық заңнамасымен белгіленген мөлшерде қ о л д а н ы л а д ы .

16.11. Салық режимінің тұрақтылығы

16.11.1. Жер қойнауын пайдалануға арналған келісім-шарттарда белгіленген салық салу ережелері салық заңнамасының өзгеруіне байланысты тараптардың келісімі бойынша түзетілуі мүмкін.

Салық заңнамасындағы өзгерістер нәтижесі болып табылатын жер қойнауын пайдаланушыға салық салу ережелері жақсарған жағдайда, Қазақстан Республикасының экономикалық мүдделерін қалпына келтіру мақсатында жер қойнауын пайдалануға арналған келісім-шарттардағы салық салу ережелеріне т ү з е т у л е р е н г і з і л е д і .

16.11.2. Келісім-шартта көзделген салықтардың және бюджетке төленетін басқа да міндетті төлемдердің жекелеген түрлері жойылған жағдайда, осы Келісім-шарттың 16.11.1-тармағында белгіленген тәртіппен келісім-шартқа тиісті өзгерістер енгізілгенге дейін жер қойнауын пайдаланушы Келісім-шартта белгіленген тәртіппен және мөлшерде оларды бюджетке төлеуді жалғастыра б е р е д і .

16.12. Ақпаратқа қол жеткізу

16.12.1. Мердігер банктегі шоттарына Қазақстан Республикасы салық органдарының Қазақстан Республикасының заңнамасына сәйкес қол жеткізу мүмкіндігі бар екендігін мойындайды.

16.12.2. Мердігер Қазақстан Республикасының заңнамасына сәйкес салық

қызметінің қызметкерлеріне Келісім-шарт шектерінде жүзеге асырылатын қызметке жататын ақпаратты беруге міндетті.

16.12.3. Мердігер салық төлеушілер мониторингін жүзеге асыратын уәкілетті органға салық заңнамасымен белгіленген жағдайларда және тәртіпте қаржы-шаруашылық қызметі жөніндегі ақпаратты береді.";

3) мынадай мазмұндағы 16.1-бөліммен толықтырылсын:

"16.1. Зейнетақымен қамтамасыз ету

Мердігер өз жұмыскерлерінің міндетті зейнетақы жарналарын міндеттемелері пайда болған кезде қолданыстағы зейнетақымен қамтамасыз ету туралы заңнамаға сәйкес ұстайды және жинақтаушы зейнетақы қорларына аударады.";

4) 28-бөлім мынадай редакцияда жазылсын:

"28-бөлім. Келісім-шарт тұрақтылығының кепілдіктері

28.1. Заңнамаға Мердігердің жағдайын нашарлататын өзгерістер мен толықтырулар осындай өзгерістер мен толықтыруларға дейін берілген және жасалған Келісім-шартқа қолданылмайды.

Осы тармақпен белгіленген кепілдіктер Қазақстан Республикасының қорғаныс қабілетін, ұлттық қауіпсіздікті қамтамасыз ету саласындағы, экологиялық қауіпсіздік және денсаулық сақтау саласындағы заңнамасының өзгерістеріне қолданылмайды.

28.2. Заңнамаға Келісім-шарт бойынша қызметті одан әрі жүзеге асыру мүмкін еместігіне алып келетін өзгерістер мен толықтырулар енгізілген жағдайда Тараптар мүдделердің бастапқы белгіленген тепе-теңдігін қалпына келтіру үшін Тараптардың жазбаша келісімімен Келісім-шартқа тиісті өзгерістер енгізе алады."

2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі